

ЖУЧИЯН

ЧЕЙНЕШ



Обложка художник
А. Каланаковтын¹

21

П. Кучияк Чейнеш. Ойротское областное издательство. 1940 г.

Редактор А. Саруева. Технический редактор
Ряев. Корректор А. Г. Шабураев

Сдано в набор 34 III-1940 г. Подписано к печати
Формат 60Х92/32. Объем: 15/6 бум. л.; 17/8
авт. л.; 1,99 уч.-изд. л.; 46,564 тип. зн. в печ.

Уполномоченный обллиты № Б-97

L

Типография № 1 Облисполкома. Новосибирск
проспект 20. Заказ № 3711

Ботпой. Мен сени макалу таптым, кару Дъала-
кайым. Менин' кыйгыма не керек кару бербе-
дин'?

Дъалакай. Мен дезе, Чёёчёй менин' кийиним-
нен' кемди-кемди ийген болор деп санангам.

Ботпой. (Дъалакайга дъууктап кел-
ди). Дье коркуба!.. Чёёчёй, сени сабап алала,
стуруп аракылай бергөн. Онын' алдында эмди
дьер кыйындалып дьат. (Каткырат).

Аркада кургак быдак тырс эткени угулды.

Ботпой ло Дъалакай чочыган бойынча колдо-
рынан' тудуштылар.

Ботпой. (Тын' иженбей). Коркуба... Ол...
Ол... Чейнеш! (Кортук юниле кыйгырды). Чей-
неш!.. Чейнеш!..

Юн. Браадым!

Ботпой. Дье кёрдин' бе — ол Чейнеш. Чей-
неш агаштар ортозынан' колында ойон'отту
чыкты.

Чейнеш. Одундап дьюрюгер бе?

Ботпой. Бистин' ишти билбайтен бедин'? Бис
одундап дьюрюбис, а сен дезе, кышкыда бутка
дышлу ук болзын деп дьюктулардын' кийизин бе-
летеп турун'. Бис база сон'добой ойон'оттын'
дьюлунар ёйинде дьюларга керек эди.

Чейнеш. Сен, Дъалакай, неге ары-бери ийтке
сюрдюрген элик чилеп адьыктаназын'?.. Ой, ко-
лын'а кан кайдан' келди?

Ботпой. Куйругы дьюк тижи бёрю Чёёчёйдён',
сура.

Дъалакай. Базала соккон (ыйлай берди).

Ботпой. Албатынын' кеп сёзин билбейтен бедин': эликтин' мойнын ок кезет деген. Тили дьюгюрюктер айтқылап алат бисти, колы энчик-пестер — согуп алат бисти.

Дъалакай. Менде ада, эне де дъок, ага карындаш та дъок, менин' адааныма кирижер кижи табылбас...

Чейнеш. Бистин' ада, энелерибис бойынын' балдарына коручылдар эмес. Байларла дъайзан'дар — бистин' ада энелерибистен' коркубайдылар.

Ураак агаши ортозында кююк эдеть.

Ботпой. Уксагар, кыстар... Уксагар... (Кыстартым, кююктин' юнин тын'дагылайт...)

Дъалакай. (Сананып) Кюк — кююк! Кюк — Кююк!.. Ол нени айдып кююктейт болбогой?

Ботпой. Бистин' дъаандарыбыстын' куучынынча болзо — кююк качанда кыс кижи болгон эмтири. Онын' карындажы аш бедиреп барган. «Ай бололо дъанарым!» деген. Юч — тёрт ай ёткён. Карындажы дъанбаган. Сыйыны карындажын дъоксынып күнөн күнгө тамла тын' күнүккан. Бир катап ол тын' кыйгырган: «Карындажым ёлгён, менде де дъюрюм дъок!» тюндин-төңүктен' чыгара учуп чыккан.

Чейнеш. Ой, кандый кайкамчыкту!

Дъалакай. Сен дъара кирбезен'. Чейнеш... Айтла, Ботпой, онон'.

Ботпой. Дъен'ези онын' он' будынан' ала койгон, тудуп аларга санаган, дье онын' колына дъан'ыс ёдюк артып калган. Онын' учун кююктин' бир буды боро, бир буды дезе — сары.

Дъалакай. Сен бойын' кёрдюн' бе онын' будын?

Ботпой. Дьок. Тегин кююк агашка отуар болзо, онын' буттарын кёрүп болбозын'. Ол дылан'аш будынан' уялып туро дежер, онын' учун будын кёргюспей турганы ол.

Дъалакай. А, карындажын тапкан ба?

Ботпой. Ол Дьюс-Тыт деген дьеңге учуп келген, ондо дъаш тыттын' тёзинен' карындажынын' сёёгин тапкан. Оны кёрёлө, кыйгырып ийген: дъаш — тыт, как — сёёк! дъаш — тыт, как — сёёк!.. Онон' ло бери онайдо кожон'доор болгоны ол онын'...

Чейнеш. Эмдиле күш боло беретен болзо, кандаш дъакшы болбос эди, бийик, ураак-ураак учар эдисбис!.. Дъажын чака дъай турар, дъаркынду кюни ашпас дьеңге...

Дъалакай. Онайдо айтпа, Чейнеш... Бисте канат дьок — качан да ёспёс...

Ботпой. А кенетийин ёзё берзе?!

Чейнеш. Качан бирде кожон'догон'до, кайдаарда учуп барааткандый... Кожон'дойлы ба, кыстар?...

Агаштар ортозында шоор ойнойт.

Ботпой. Акыраар!.. Кем де шоор ойноп дъат. Кыстар тын'дадылар.

Дъалакай. Ой, кандаш дъакшы, кандаш дъарап!

Ботпой. Айдары дъск дъакшы? Удура кожон'дойлы... Дъемежеер!

Ботпой кожон'ды баштады, экюзи ээчий дъемештилер.

Ай башчызы ак дылтыс,
Кёрюнбей кайда дъажындын?
Кайкамчыкту шоорло ойногон
Биске не керек кёрюнбейзин?

Кара, ағаштар ортозынан' чыгара базып келди,
ийнинде салган торбочкалу, колында таяк, сол
колында шоор туткан.

Ботпой. Кара!, бери кел. Кара, биске шоор
ойноп бер!

Чейнеш. (Ман'заарып). Оны бери кычыр-
багар, кыстар...

Дъалакай. Кыйгыр ба, Ботпой... Кандый бир
кижи укпазын?

Ботпой. Келгейле, неден' коркуп туругар.

Кара. (Дъууктап келеле, омок). Дъакшы ба,
дъараш — дъакшынак — кыстар! Слердин' ко-
жон'ды уккан бойынча — канатту немедий, кыр-
дан' бери учуп тюштим! Акту сёзим...

Ботпой. Кёкюрюмдю кожон' эмес, — онын' не-
зи дъарады сеге?

Кара. Сёстин' дъартын аайлап болбогом, дье-
дегин слердин' кожон' кижинин' дьюрегин отло-
дъаладып тургандый... Слердин' юнигер алтын
суудый тёгюлет, ай алдында булуттый дылы-
жат...

Чейнеш. Сен, койлорды кырда дъан'ыскаанды-
ра таштадын' ба?

Кара. Сен меге, не керек таарынып турун'.
Чейнеш?.. Агаш таштарла, койлорло — мен
узаак тюшке куучындажып дьюредим, а улустар-
ла куучындажым кaa-дъан'ыс ла...

Дъалакай. Ка́ру Ка́ра, эмеш ойнозон'?

Кара. Сенин' кююнин'е, Дъалакай, ойноорым да, кожон'доорым да.

Бу кожон'ды мен бойым таап чюмдегем.
Угугар.

Кара, шоорло ойнойло, ээчий кожон'доды.

Кара боронын' дъалы алтын

Ондый дымыжак торко дьок.

Менин' кёёркюйюннин' кёзи алтын
Тен'ериде ондый дылтыс дьок.

Ак боронын' торко дъал

Алтындый күнгэ чагылат.

Менин' каруумнын' кюмюш сёс,
Дъажына дьюрегимди дъарыдат.

Ботпой. Кожон' дезе кожон'! Дъакшы кожон',
Кара!

Чейнеш. (Ман'заарып). Сен Ка́ра, бу кожон'ды качан чюмдеген'?...

Кара. Бая түнде. (Кожон'доды катап,
баштапкы куплеттен').

Агаштар ары дъанында кан'ырууш юн угулат:
«Болды! Одунды тюрген экелигер! Кёрзэн' кожон'доп кёндюккилегенин!»

Ботпой. Дьер кулакту қадытты кёрзэн', бистин' коожн'ыбысты угуп ийген...

Дъалакай. Ол — Чёечёй. Ой, онон' биске буюн дъедижер туру. Ол, качан аракылап ийгенде, эмеш уюктап алала бакпрына, — бисти соготон...

Ботпой. (Чейнешке). Сен, Чейнеш, удаба-

Кара. Мен айдып турум. Меге тийбегер!

Дъажнай. А мен сурап турум. Койлорды кайда таштаган? Айт!

Кара. Ондо, кайда слер качанда болбогон дъерде.

Дъажнай. Чейнеш ле экю нени эрмектештигер?

Кара. Ол, слерле качанда куучындашпас, куучын куучындашканыбыс.

Дъажнай. Мен сени айттырарым! (Камчызын талайып келди).

Кара (удура колын кёдюрди). Болор!..
Онон' башка...

Дъажнай. Болор!? Кюченерге!? Меге? мен кем болгонымды, сен ундуган? эмдиле сагыжын'ды ойто тюзеерим, ийт.

Кара. (Камчызын былаап алала, туура чачала, корку бай). Дъакшы болзын
Дъажнай...

Дъажнай (камчызын дъерден' алып).
Тилин'ди юзе тартарым!

Кара. Дьеткен! Ач бёрю, мени база катап тиштеп болбоссын'!

Дъажнай. Ийт!

Дъажнай Карага дьюгюрүп келди. Кара Дъажнайды тёжине тепти, онызы дыгылды, сыктай берди. Кара айландыра адьыктады, Чейнешти араай кыйгырды, Чейнеш урактан' ойто кёрюнди. Кучактай тудужала, Дъажнайды адьыктап кёрдюлер.

Кара. Чейнеш!.. Чейнеш! Экю качаалы! Качаалы!..

Экю дьюгюре бергиледи. Дъажнай дезе, сык-таганча дьерде эн'мектеп дьатты.

(К ё ж ё г ё)

ЭКИНЧИ ҚАРТИНА

Содонның айылы. От, темир очокту, саргара ышталган көжёгё, борбуйлар, дъан'ыртыкта әки—юч тере каптар, дъабыс орун. Чейнеш койдын терезин ийлеп отуру, Баланка кирди.

Баланка. Менин' эрдим бюгюн кере тюжюнеле тартты, — аракыны кайдан' ичер болдым?

Чейнеш. Слер, энем, не керек сюмеленип туругар? Слердин' бюгюн аракы ичеригерди, мен ырымдабазам да билерим (пауза). А мен дезе ыйлаарым... Онызын слер база билерзигер.

Баланка. Қанча тере ийледин'?

Чейнеш. Э-э энем, энем! Слер меге килебеске дъадыгар!

Баланка. Сен, база тенек ле, бойын'да, биске де ырыс болорына килебей турун'...

Чейнеш. Ырыс дъан'ысла дъёёждё болгон бо? Слердин' сагыжыгарга кирет пе, эне, бир Солон'ы деген кыс ла кюрючи Тенек керегинде чёрчёк?

Баланка. Мен кичю бала эмессим, меге чёрчёк керек дьок.

Чейнеш. Уксагарда, энем... Бу чын болгон чёрчёк... Солон'ы бай эмес малчынын' кызы болгон. Ол кыс дьокту кюрючи Тенекти сююген, ада-энези оны албанла байдын' уулына берип

иїгендер. Солон'ы кёстин' дъажын кёп тёккён. Ада дъуртына кёп катап келип, ойто дъанып келерге дъёп сурал туратан. Дье, ада-энези оны кулактын' кырына да укпагандар.

Баланка. Кызына кайда дъакшы болуп турганын, олор билген...

Чейнеш. Дъок, эне, олор сокор терсейектий болгондор... Олор бир де неме кёрбёгёндёр... Тын' saat болбой колго тюшпес Солон'ыны байдын' уулы ёлтюрюп койгон!

Баланка. Ой, коркуштузын!

Чейнеш. Онон', Солон'ынын' сюнезини бойынын' сююген — Тенекти бедиреп барган. Дье узаак дъюргенде — ол оны тапкан, дье... Ол де-зе кижи алган, эмтири. Койлорын кабыртып турган бай, оны сююбеген кыслы бириктирип койгон болды. Бир катап Тенектин' юйи эртен тура кёрзё, айылдын' эпши данында бир барбак кайын'аш кенейтийин ёзюп калтыр. «Сенин' бычагын' кайда, бери бер, бу кайын'ашты кезип чадым» — деп, юйи Тенектен' суралган. Тенек бычагын бербей, базып келеле, колло кайын'ашты сыймай тударга сананды. «Меге тийбе» деп кенейтийин ого таныш юн угулды... Бу ла ёйдё сююген Солон'ызы, онын' алдына тура тюшти...

Баланка. Ой! .. Онон' ары не болды?

Чейнеш. Солон'ы Тенекке айткан: «оны ёбёгёни ёлтюрген, байдын' уулы, дье онын' сюнезизи база озогызындый ок Тенекти изю дъалбышту сююп туру, — деп ол айткан, — мениле дъурттаарга турган болzon' кюн тюштюгюн кёстёп бар, дье-

ти ёзёктин' белтирине, дьети туудын' эдегине кел. Ондо бис туштажарыбыс!» Онойдо айдала Солон'ы дьоголо берди. Тенек дезе, сююбegen юйин таштайла, кюн тюштюкке барды... Эмди кёрзё-гёр слер, энем, менин' сюнеем база Солон'ынын' сюнезиндий ок, ак дъарыктын' юстине тенип дьюрерин слер кичееп туургар.

Баланка. (Юшкюрди). Канайтар, кыс болулукткен'де!

Чейнеш. Кыс — кижи эмес пе? Айдарда не-нин' учун, мен чыгарым ~~га~~ ла, энем, сен мени карга кёмё таштап койбодын?

Баланка. Сен кючюк эмессин'.

Чейнеш. Кючюктен' де ары! Дъакшы ийдин ээзи, кандыйда алтын мён'юнге бербес.

Баланка. Тенек сен! Дьюктулардын' кыстарын байлар кудалап турганын кёп кёрдюн' бе? Сен сююнер учурлузын'. Ёскё дьюктулардын' кыстары сеге кюйюнгилеер...

Чейнеш. Дьюк, эне... Эне, сен мени чыгарбаган'... дьюк! Содон кирди. Унчугышпай баргылады.

Содон. Не болгон мында?

Баланка. Менин' ал чагымды чыгарды. Слер, мени албанла эрге берип дъадыгар деп, айдат...

Содон. (Мылтыгын илерге баады). Балам чынын айдып дьат. Дье, ёскё арга дьюк. Козуйтар минерге тудуш ат беретен. Ол арба берген, кийим бергендер, ёдюк те беретен, олоры ончозы эски де болзо... Кёдюрезин кайра тёллөөргө баштын' чачыда дьетпес!

Чейнеш. Мен тюн, тюш, уйку дъокко иштеерге турум...

Содон (бажын дайкап). Дъок... сон'догон', сон'догон'!..

Куреев негеде ман'заарып кирди.

Куреев. Тирю кижиинин' канын ичер, дъан' кайдан' келген?

Содон (чочуп). Кем ичип дъат?

Куреев. Старшина Кюскенек ле кам Бёрёгёш база кодьойым Песков келгилеген. Олор Караны агаштар ортозынан' тудуп алала, арай ёлтурбенче чыбыктадылар.

Чейнеш. (кайдын' терезин чачып ийдил). Караны!.. Ёлтургилеп! (Дьюгюргенче чыкты).

Содон. Неден' улам?

Куреев. Олордын' айдыжып турганы болзо, Карапече кедеери аркада Дъажнайды сабаган, ол бийинча айылга келбей качып дьюрген де-жет.

Содон. Кар, дъан'мыр ийзе, тен'ери табы; карама дъоктуды дъаргылаза — дайзан'дар табы...

Куреев. Ондый тапты олорго кем берген?

Баланка. Баатырла беришпе — будун' сынар, байды дъаман айтпа — кардын' торолоор.

Содон. (Куреевке). Слер, надым Андрей, бистин' дъадынла дъан'ы таныжып турганыгарда, кёп немелер кайкамчыкту болуп турганы ол ийне... Козуйттардый — казыр бёрюлер бисте толтыра. Байлардын' батрактарды ёлтуретени, ийтте ёлтургенине бодолбайтон.

Куреев. Кулак — байлар кайдада тюн'ейле. Олордын' ончолорынын' азулары узун. Мен бойым олорго дьети дыыл батракка дьюргем, ол азулардын' курчын дъакшы билетем. Дье... Ол азулар удабаста кургак дъалбырактый оодылар.

Содон. Ондый болоры дъок. (Колын дъан'ыйла туура кёрди).

Куреев. (Унчукпай турала. Содонго коштой отурды). Кюндюлю надым Содон, кызын'ды Козуйттарга не керек берип турун?

Содон. Баштан' ажыра алымга тюшкем. Карап-Корумга калан тёлөбөгём: Э-э, надым, колым сюрекей кыскачак...

Куреев. Чын эмес. Бистин' колыбыс — сран'айла кючтю колдор...

Содон. (чочун'кайлу Куреевке кёрди). Менин' колым дезе бир кючюк те тумчалай тутпаган...

Куреев. Мен онын' керегинде айдып турган эмессим.

Содон. Козуйтар ончозын келиштире — дъакшыла бюдюргилеп дъат. Кудалар ийген, аракы кёп экелгендер, бойлоры кожо ичкен. Бу менин' ийинимдеги эски тон — база олордон'...

Куреев. Чейнеш Дъажнайды сююбей дъат... Онын' сююп турганы...

Содон. Билерим... Ончозын билерим...

Эзирик улустын' юни угулды. Баланка тюрген, эжиктен' кирди.

Баланка. (Содонго). Эр дъанына ол эски

кийисти тёжё! Клеедилер! (н е н е м е з и н д ь у-
у й берди).

Содон. Козуйттар ба?

Баланка. Ээ. (Куреевке). Сен тортло мы-
нан' барган болzon'...

Куреев. Мен олордон' коркубай турум? (Дыу-
дуругын тююнеле, туура басты).

Содон. Күндюлю надым, чымчайна отур,
аракы берзе — ичиp ал. Мен сени сюрекей су-
рап турум... Чейнештин' учун!

Бёрёгёш, Козуйт, Песков, Кюскенек, Чёёчёй,
Базым айылга киргиледи, ончолоры бирден' та-
жуурда аракылулар.

Бёрёгёш. Кайракаан! Талкан кюлин тёжёнгён,
таш очогын таянган! Ак сары-атту от ене, алтын
тонду ал дъалкын! Кирер бистин' дъолыбысты
буудактан' дъайладыгар, дъанар бистин' дъолы-
бысты некелтюден' коругар! Кайракаан!

Ончолоры отко мёргюдилер, арчындарын таш-
тадылар. Отургылагайла, дъакшылажып, кан'за
алыштылар.

Козуйт. (Та ж уурды Содонго бериp)
Тостын' кыбындый, торконын' дыгиндий, —
кайран тёрёгёдёrim. Эреп койгонын сойорго
дъакшы, эрмектежип койгонын аларга дъакшы
деп. Бис келдибисти сурап дьюрген эдибис.
(М ю р г ю д и). Албаты башкарган дъайзын'ыс,
айла күнле билишкен камыбыс, бисти ёдюк-
теп, тондоп кийиндирген кодьойымыбыс Иван
Пантелеевич, — ончобыс слерди күндюлөп кел-
дибис.

Содон колы тырлажып, Козуйттын' тажуурын алды.

Кюскенек. (Содон го). Чык — дезе! — ийтке бодолду. Кир — дезе! — Кулга бодолду дьюрген эдибис. Албаты башкарган дъамылуда болзом, ада ёбёкё дъан'ыла слерге мёргююр учурлуум.

Содон. Слер мени ёйинен' ёткюре кёдюрдигер, мен слерге мёргююр учурлуум (мёргюди).

Чёёчёй. Дъаагыбысты ачып дъамандажарга дьюрген эмес, колыбысты сунуп согужарга дьюрген эмес. Юрғюлдьинин' юч юйеге, төрбөлдьинин' төрт юйеге урашпас төрөгёндөр болорго дьюрген эдибис.

Баланка. Айтканыгар алтыннан' баалу.

Аракылаш кёндюкти.

Песков. (Кайра бурулып — Куреевти кёрди). Баядан'ла ёскё дыт дытанаып турган. Андрей мында турган эмтири...

Куреев. Слер чын айттыгар... Мен слердин' айылга батракка дьюрген де болзом, дье сени төрөгёним деп, сананбай да турум.

Песков. (Кызарала, казырланып). Сен бери не керек келеген? Мында бир де кижи сени төрөгёнгө бодобой дъат.

Куреев. Кандый болбогой, господин кодьойым...

Содон. (Куреевке). Чугулдан ба, Андрей, аракыдан' ичиp ий.

Куреев. Бис экю Содон, бир тушта ичерибис, а бу господаларла мен качан да ичпегем, ичпезим де!

Бёрёгёш. О, ийт ле кижи! Тюнде оорунын'ды ажыра аю бастырып ийгежин — сагыжын' кирер эдиле.

Бастыра каткы.

Козуйт. Дъаман ийт, качан да юреген болотон.

Куреев. (Шоодып). Бёрюге юрген ийт — качан да дъаман болотон.

Песков. Акыр, акыр, оныла мен эрмектежил кёрэйин. (Ёрё турup, Куреевке дъудурыгын кёдюруп). Мынын' ууры канча болгонын сен билгедий эдин'. Бюдюн тушта, сон' добой дьюр мынан' ары.

Куреев. (База дъудурыгын кёргюзюп). А сен, мыны дытап кёрдин' бе?

Ончолоры турup чыктылар.

Куреев. (Неме эзебей, эжик дъаар базып). Ырысту күнгө дьетире дъакшы болзын, Содон! Дъакшы болзын, энебис Баланка. Бу казыр ан'дардан' кызыгарды Чеберлегер! (Чыкты).

Кюскенек. Мен Колчак каанга, Кара Корум уездке баккам. Ол ийтти тутсын деп дъакылта берерим, сыртын ён'дёйрим. (Каткырдылар).

Песков. Ондый дъошкындарды качан да кёкүтпеске керек.

Чёёчёй. Дье болды, ол тербезенди ундугар. Бойбыстын' керегибиsti эрмектежели. (Баланка га). Дъакшынак Чейнеш дъан'ыс айылга бу Базымла кожно дъадар. Базым менин' уулымла он дылга кожно дъаткан. Ол коомой дъатканын, бирде кижи айтпас.

Козуйт. Бистин' угубыста дъаман кижи качан да бүтпеген.

Кюскенек. (Содонго). Слер, бу Козуйтла тёрёгён болгон керегинде, слерди бир дылга каланнан' айрып турум.

Бёрёгёш. Юлген кудай мени дъакыган, Чейнешти бойын'нын' кызын' чылап сюю деген... Бооро камдаган тартууды мен некебей, база таштап турум.

Содон. Алкыш болзын слерге, быянзак улустарга.

Козуйт. (Кюскенек ле Бёрёгёшкё). Дъакшы кудамнын' алымы — менин' мойнымда. Мен слерге тёлёп бергейим.

Бёрёгёш. (Алаканын ужанып). Менин' кудайларым тегинде меге айдып тургандар: Содон тёлёёргё кючи дъетпезеде, Козуйт тёлёёр деп...

Баланка. Кюндюлю кудам, кудагайым, слер дье斯基нбей айылым кирдигер, себи дьок кызымыды кудаладыгар. Кайран Базым, менин' Чейнежимди дъаман кёрбё.

Базым. Мен ого эне болорым... Ол уккурла кыс болотон болзо — онын' дьюрюмине кёдюре кыстар кюйюнерлер.

Козуйт. (Содонго). Кюндюлю кудам! Аттар керек болзо — одорында кабыруда турулар. Акча керек болзо — айылымда кайырчактын' какпагын ёрё кёдюрюп дъады. Менин' дъуртыйм, менин' дьерим — билюннен' ала, ошкош ло сенийи. Не керек, чике айт?

Содон. Слер дегинде меге кёпти бергенигер. Чейнешти алыгар, бойыгардын' балаардый чеберлегер оны, мен слерди сурап турум.

Чёёчёй. Мен юч кысты эрге бердим... Эки уулды айылду эттим. Ончозына мен дъакшы эне болгом. Чейнешти кёстин' одундый чеберлеерим. Чымалыга тиштетпессим, чымыл дьюзине кондырбассым. Ёрё турды, Баланкага). Чюрче чыгаалы кудагай, эки эне эмеш чёллөёдө эрмектежеели.

Чёёчёй, Баланка, Базым чыктылар.

Кюскенек. (Содонго). Козуйттын' ады — чуузы Колчак каанга, Кара-Корум уездке азыйдан' бери дьарт эди. Ол слердин' эжиктин' тутказын, айылдын' быдъар бозогозын алтаган, коштой отуруп аракы ичкен учун, слер оны кюндюлеер учурлузаар. Ол слерди сююп дьат.

Содон. Слердин' сёс кюмюштен' баалу.

Бёрёгёш. Мен Чейнешти канайда сююп турганнымды, ёрё турган юлген кудай бойы билер!. Канайдар, Содонды кудай бойы дьюкту эдип дъаяган...

Содон. Мени балдарымнын' оорузы тюретти. Алты бала ёлгён. Калганчы малымды тайдыргам. Бу кудайлык адайбыс оны билетен.

Бёрёгёш. Ондый болгоны чын деп керелеп отурум... (Эзирип), Чейнешти сююп турум деп, айдып ок отурум!..

Тышкаары ый, тын' юн угулат. Бёрёгёш лё Песков кожон'догылайт. Козуйт ла Кюскенек каткырышкылайт. Чейнеш ыйлаганча кирди, ээчий Баланка, Чёёчёй, Базым киргиледи.

Чейнеш. (Содонго). Кайран адам, мени апаргылаарга турулар!

Содон. (Ыйламзырап). Менин' балам!..

Чейнеш. Адам, колын' тырлашпаза — курчбы-чагын'ла менин' дыорегимди ёткюре сай. Мен Дъажнайдын' юйи болбоссым...

Кюскенек. Ончо кыстар, эрге баар тушта, онойдо айдатан эмей база.

Баланка. (Содонго). Сен оны айтсан', дегин дьерге дьююлбезин.

Козуйт. (Ачынып). Бис эр улустар чыгалы.

Сыргалу, ада-энезиле эрмектежерге турган болгодый. Эрмектешкейле!..

Кюскенек. Айдары дьок шююлте болды. Ба-раалы...

Бёрёгёш. Сюрекей эптю болды.

Чейнеш, Баланка, Чёёчёй, Базым, Содоннон' ёскёлёри эжик дъаар баскылады.

Бёрёгёш. Акырыгар, тажуурларды дъолго ала койор керек!..

Козуйт. Айылыбыс кыр ажыра эмес, улу адай-быс...

Бёрёгёш. Кыр ажыра эместе болзо, алар, ке-рек... (Тажуурларды) катай тудуп ээчий тарадычы чыкты).

Чёёчёй. (Чейнешке). Менин' сююген кызым, дъанаалы! От чокту, орун дыылу сени сакып дъадылар.

Базым. Бистин', айтканыбысты ук. Сеге дъак-ши эдерге турубыс.

Чейнеш. Адам! Энем!

Содон. Дъайсан' бойы мында болды... Кудайдан' салымду адай — Бёрёгёш кам мында болды... Бойын' ончозын кёрдин'...

Чёёчёй. Сени эки дылга сакыдыбыс. Эки дылдын' туркунына, сенин' адан'a болышканыбыс!

Чейнеш. (Дьюрексиреп). Дьюк! Барбассым! Ка-чан да барбассым!.. Менин' сююген Карам кайда? (тын') Кара! мынан' кachaалы! Качаалы! (Эжик дъаар дьюгюрди).

Базым. (Бажын коорый алды). Сен текек, нени айдып турун? Сен колго тюшпес дьобожырын' ба? (Чейнешти ийде салды).

Чейнеш. (Тын'). Меге тийбе, карыган согум?

Базым. Неме! Мен — карыган согум? (Эжикке дьюгюрюп келеле, ача итти). Эй, уулдар, бу дыланды келип алыгар!

Айылга эки даш уулдар кирди. Чейнешти албанла эжиктен' чыгардылар.

Чейнеш. (Калганчызын). Адам! Энем!.. Аргалагар!.. Кара Болышсан'.

Олордын' кийининен' Чёёчёй лё Базым кылчайыжып чыктылар. Бир кезекке кунукчыл. Содон эжик дъаар базып, эжикти ачып кёрёлө.

Содон. Канайдар да аргам дьюк... Кайран менин' Чейнежим, канайдар да аргам дьюк...

(Кёжёгё)

ЮЧИНЧИ ҚАРТИНА

Дъаан ак.

Сол дъанында—Дъажнайдын' айылы. Айылдын' эпши дъанында—эски торко Кёжёгё, тюжюрюп койгон, эр дъанында—дъан'ы орун.

Юч—төрт кижи акты арчып турулар.

Айылда Ботпой ло Дъалакай.

Дъалакай. Бюгюн биске сюrekей ырысту кюн!

Ботпой. Ненин' учун — ырысту?

Дъалакай. Дъажнай ла Чейнештин' айылын дъазайтанын биске бюткенде. Мен Чейнештин' керегинде нениде болзо, эдерге белен!

Ботпой. Нени де эдерге Чейнештин' учун мен де белен, дье, Дъажнайдын' айылына ол ырысту болбос...

Дъалакай. Бу айтканын' чын, Чейнеш оны сююбей дъат, дье ондыйда болзо ол бай дъадар.

Ботпой. Э э, Дъалакайым!.. Сен ёткюре дъалынчаак!

Сцена ары дъанынан' юндер угулат.

Дъалкай. Кем де келееди... Баяла Чейнешти — бажын тараарга экелип дъат. (Аякта сют ле арчын тудунганча Бёрёгёш кирди. Онын' кийининен' эки дъаш уул торко кёжёгё тудунганча киргиледи, кёжёгёни илеле ол экю баргылады. Онон' ары эки юй кижи Чейнешти колтыктап алған кёрюндилер).

Бёрёгёш. Кайракаан! Ак сары от эне! Алтын гонду ар дъалкын! Дъан'ыс болуп бириккен дъаш балдарды алкагар! Отко аскан казанын тюрген — тюкей кайнадыгар! Орунда дъаткан тё-

жёгин туркары дылу эдигер! Угун куру салбагар! Улаазына кёрмёс дьюутпагар! Кайракаан! (Чейнешке). Бу сютти ич (аякты Чейнештин' дьюзиине дьюуктадып келди). Бу сютти ичиp ийзен' — он артык дьараsh болорын'.

Чейнеш. Слерге алкыш баксын. Менин' ичер кююним дьок.

Бёрёгёш. Ичпеске — улу килинчек. Ончолоры ичкен. Сенин' энен' де ичкен... Кудайдын' табынан' кыйып болбос.

Чейнеш. Слер барыгар, мен дъан'ыскаан ичейин...

Бёрёгёш. Мынын' керегинде кудай сени ырысла байгыссын (ары бери кёрди). Сенин' алтын эрдин' кайда балам? (Чейнешти окчо-орго дьат.)

Чейнеш. (Бёрёгёшти ийде салып). Меге тийбегер!

Бёрёгёш. (Аякты колынан' ычкынды Каңырланып). Сен тен'еридеги кудайды шооттын'! Сен дьердеги камды иттин'!.. Менин' дъакаруум — кудайдыйыла тюн'ей.

Чейнеш. (Кату). Барыгар!

Бёрёгёш. (Кайнап чыкты). А! Сен... Сен... Сен омокты, кудай бүктей базар! (Барды).

Чейнеш. Тюлкюдий — сюмелю, бёрюдий — ачап казыр.

1-кы юй кижи. Камнын' дъакарузын бюдюр-беске болбос.

Чейнеш. Менин' эрдим ого не керек.

2-чи юй кижи. Ол — бистин' улу адайыбыс.

Чейнеш. (Келиндерге, Ботпойло Дъалакайга, кёрёлёкатуайты). Қанайдатан әдигер, баштагар...

1-кы юй кижи. Отур, кару Чейнежим, бис сенин' чачын'ды эки айры әдип дъарашибыра ёрюп береели, Чёрчектёгидий дъарашиболорын', бойын'ды-бойын' таныбазын'. Чейнеш отурды, келиндер онын' чачын ёрдилер. Ағычакка Козуйт кёрүнүп келди.

Козуйт. (Тын'). Тюргендей, тюргендей арчыгар... Кебистерди ширдектерди, кийистерди экелип тёжёгөр, мында бистин' күндюлю айылчылар отурап. (Кыйбыла). Эй, тойдын' башчылары кайда?

Юч кижи ағычакка чыгара базып келип тура баргылады.

Козуйт. Қюрешчилер белен бе?

1-кы эр кижи. Белен, слер дъааныбыс.

Козуйт. Кожон'чылар?

2-чи эр кижи. Мында, слер дъааныбыс.

Козуйт. Ончолоры белен болзын. Барыгар! Юч эр кижилер баргылады. Бёрёгёш кёрүнүп келди.

Бёрёгёш. Мындый немени мен качан да кёрбёдим! Чейнеш юрюстеген ару сют тёкти!

Козуйт. Қанайта тёккён?

Бёрёгёш. Мен ого айткан ийнем, «алтын эрдин'ди мен дъаары дъууктат» деп, ол дезе мени ийде салала, аякты ычкынып ийген...

Козуйт. Онын' эрди слерге не керектю болгон?! Ондый дъан'ды сен кайдан' тапкан'?

Бёрёгёш. (Уят дъогынан'). Қамнын' дъакылтазы — Кудайдыйы...

озүйт. (А чынып). Немези онын' кудайдый-ындый? Баралы мениле!.. Козүйт ла Бёрёгёш барылады.

1-кы юй кижи. (Чейнешке). Ёскюзек маатырдын' абакайынын' чачы, кюннюн' дъаркынындый болгон эди, Сен Чейнеш, ондый ок дъарашибаза ол маатырдын' абакайы ошкош.

Чейнеш. (Дьюрегинде оорулу). Меге ондый сёстёр айтпагар, онызы дьогынада менин' дьюрегимде корон толтыра.

2-чи юй кижи. Дьюрегин'ди базын, кайран Чейнеш. Мени база албанла кижиге бергендер. Сююбegen эрле кожо дыирме дыл дьуртадым, эмди кёргёмдө ондыйла болотон дъан'ду неме ошкош...

Ботпой. Кайран Чейнеш, дыалакай ла мен којон'доп береели, дъарадарын' ба, дьюк по?

Чейнеш. Кююнигер бар болзо...

Ботпой. Акту дьюрегибиستان'...

Чейнеш. Слердийин дылбиркеп угарым.

Юй улустар Чейнештин' чачын ёрюп, тон чегедекти кийдирдилер.

Ботпой ло Дъалакай кожон'додылар.

Дъайгыда туткан ол айылын'

Дъажыл торколо чомдегей.

Биске кару сен Чейнеш,

Кюн чечектий сен, болгойын'.

Кюскюде конгон ол айылын'

Кюрен' торколо дъазалгай,

Кююнзеген сен, кёёркюй,

Кюнюн' дыыргалду дьюргейин'!..

Сцена дыңында юн: «Кемдер ондо кожон'дойт! Ботпой ло Дъалакай кожон'ын юзеле, аргазын тапай калдылар.

Чейнеш. Кару дьюрген көйркүйлерим, база кожон'догор!

Чёёчёй кирди.

Чёёчёй. (Ботпой ло Дъалакай га). Мында кожон'дойтон дьёпти слерге кем берген?

Чейнеш. Олорды мен сурагам...

Чёёчёй. Се-ен? (Ботпой ло Дъалакай га). Ары тайылыгар! Эдетен неме слерге табылбады ба? А одунды кем тажыйтан? Уйлар саитаны? Талкан эдетени? Тере ийлейтени?

(Ботпой ло Дъалакай баргылады.)

Слер неге мында калбайыжып калган туругар, керегигер бүткен болзо, барыгар мынан', той дыңы башталып дьат. (Эки юй кжи баргылады. Дъажнай ла Базым киргиледи).

Чёёчёй. (Дъажнай га). Сен эмди кичю эмезин' — ээжини бойын' билер учурлу: сенин' отуратан дьеин' бу оттын' бажында.

Эпши дыңында — орун, отураг дьер Базымнын'. Эр дыңында — орун, отураг дьери сенин' сююген юйин'нин'...

Базым. (Ачынып). Мени, айдарда, ол суюбес пе?

Чёёчёй. Канайта суюбейтен? Мен айдарда онэйто айттым ба? Слер экилегерди ол суюр. Сени, Чейнеш чыккан энезиндий күндюлеп дью-

пер... Юлген кудай слерди алказын .

Чейнеш. (Ёрё турды). Мен олорло кожо барадым.

Чёёчёй. Бюгюн тюште сеге айлдан' чыгарга дъарбас: дъан' ондый. Тюн койылган сон'ында ла чыгар арган' бар, онон' бери болбос.

Дъажнай. Энемнин' айтканын угар керек.

Базым. (Дъажнайга). А сен — тилин'ди тудун. Энем бойы билер, канайта оныла эрмек-тежерин. (Дъажнайды чымчыды.)

Юн. Ойын кёрөргө, ойын кёрөргө.

Кёп эр, юй улустар чыктылар.

Кожон' баштадылар:

Карчага күштын' нези артык?

Канат алдында дьюмы артык.

Калык дьондо не кёрлю?

Дъан'ы туткан айыл кёрлю,

Дъайгыда туткан айылын'a.

Дъажыл торко ол дъайылгай.

Дъан'ы тапкан ол эжин'e

Дъарашиб ман'дык кеп дъара.

Козуйт, Песков, Кюскенек, Бёрёгёш бир Чёё-чёйчи кижи кёрюндилер.

База кожон'додылар.

Козуйт. Кюрешчилер кайда?!

Юндер. Мында.

Эки уул чыгала кюрештилер табыш тал тын' болды.

Козуйт. (К юрешке дъен' деткендөргө). Слер неге дъарайтан улустар! Слердин' учун меге уят. Мынан' ары барыгар! (Дъен'дегендөргө тажуурда аракыны берип) слер! кючтю, күндюлю улустар ичигер, ончолорло тюн'ей дыыргагар!

Песков. (Козуйтка). Чыдым уулдар, Чынла солдаттар!

Кюскенек. Айдары дъок — солдаттар!

Бёрёгёш. Эмди saat дъоктоло дъарышкандар дъедер керек... Озо келетен экюге мен эки болуштоп аракыны белетеп алгам, ючинчизине дезе, эки аршин ак бёс.

Песков. Дъакшынак сый...

Козуйт. Менин' эжигимде — сююнчилю байрам. Бюгюн неме кысканаарга менин' санаамада кирет эмеш пе?

Улустар ортозынан' юндер угулды: «Туу олор! Туула дьюгюргилеп дъат!»

Козуйт. Кёрюгер, кёрюгер, Иван Пантелеевич! Сюрекей дьюгюрюктөр!

Кюскенек. (Кыйгырып). Тюрген! Тюрген, менин' уулдарым!

Улустар ортозынан' юндер: «Бирюзи дыыгылды! «бирю сон'доды!»

Козуйт. (Кыйгырып). Бождоор ло!

Акка тёрт эр кижилем чыгара дьюгюрдилер. Бирюзи буурыныгып дыыгылды.

Кюскенек. (Дыыгылганга тюрген келеле, тепти). Шилеемир! Дыыгыларга ёскё дьер тапаган' ба. Ары дайладыгар мыны.

Бёрёгёш. (дъарыштын' озочылдарына). Чыйрак ла дегенине — ончобыска күндюлю айыл ээзинин' сыйы бу тур. (Озочылдарга эки болуштопто аракыны берди, ючинчиzinе ак бёсти береле дъартап айтты). Бу бёсти дъалама эдип тилеле тургузуларын'a ончозына ил, бажыр, олор сенин' будын'ды дъен'илтип чыйрагын' кошсын.

Козуйт. Айгырлу мал кайда? Бёрю кайда? Белен бе?

Уракта бёрю улуйт. Айгыр, улустар ортозынан' чыкты, малга бёрюни дьюуктатпай айгыр тартышты. Ол кюрешти ончолоры дюрексип кёргилеп турлары. Бёрю малдан' бир байталды тутты. Кёрюп тургандар каймыгыжа бергиледи, дъаратпай турган юндер угулат. Айгырды бёрю тутты.

Козуйт. Айгыр негеде дъарабас!

Кюскенек. Карыган согум!

Козуйт. Ёс кё айгыр беригер! Бу кырчан'ылу бозуды ары сюрюгер!

Каткы. Айгыр барды. Ёскё айгыр чыкты. Дъен'ижю ойто кёндюкти.

Дъан'ы айгыр бёёрюни неме этпей, сюрди. Кёрюп тургандар дъен'дегенди сюгюнчюлю уткудайлар:

«Дъарайт! Дъарайт! Онын' тиштерин оот!»

Кюскенек. Дъарайт! Бу айгырга талдама сый. Кайда онын' дъалына мен ак дъалама буулайын!

Бёрёгёш. (дъаламаны берип). Мында дыюро, баштан' баш...

Песков. (Кюскенекке). Менин' сагышта болзо, бу керекти дыргалду байрамнын' ээзи болгон ончобыска күндюлю Козуйтка туттырар керек. (Козуйтка көргюзет)..

Козуйт. (дъаламаны Бёрёгёштён' алды, бёрюге). Мен дъаар дьюукта, ийделю кижи. Айгыр Козуйтка дьюуктап келди. Козуйт дъаламаны чачына буулады.

Бёрёгёш. (айгырга). Дъакшылыкту айыл ээзиле, улу быянду дайсан'га алкыш айт.

Айгыр. Мен алкышты, айткадый улуска айдарым (улустарга улап) — албатыга.

Айгыр Куреев болгонын Козуйт таныйла, ачынyp дъаламазын юзе тартып алды.

Козуйт. Ийтти, сени кем айгырга чыгарган? Тұргузала мынан' тайыл!

Кюскенек. Кем бу?

Бёрёгёш. Дьошкын Андрюша, Куреев!

Куреев. Мен дьошкын эмессим, а дайым кижи. (Козуйтка) Слер, господин, менин' иштеген дъалымды берер учурлу эди. Айса болзо, бюгюн байрам шылтунда төлөйзёёр әмеш пе?

Козуйт. (каткырып). Мен сеге кече айткам, мен сеге төллюю эмес, а сен меге... Кабырган' сынгалакта, тиштерин' оодылгалакта ары тайыл.

Кюскенек. Мен әмдиле бойымнын' улустарыма оны тудуп тюрмеге бектезин деп дъакылта берерим.

Куреев. Онызы ненин' учун? Мен бодозом, кё-

кё-тюште улусты мен блаап, тоноп турган эмес
(Козуйтка кёргюзюп), а ол мени...

Козуйт. Неме-е?

Песков. (Куреевке). Эмеш дъалакай дью-
рер керек, мон'зыым. Кемле эрмектежип турга-
нын'ды, билин. Айла сенин' сыртын' соокко тон'-
от по? Чюрчеле дылыдып ийерге кем дьок...

Куреев. Чочколо, сениле мен торт эрмектешпей
турум.

Кюскенек. Андый ба! Мен сениле эрмектеже-
рим! Эй, улустар бери! (Коомой кийимдю эки эр
кижи Кюскенекке дьюгюрүп келдилер).

Кюсенек. Мыны аайлагар! Соок амбарга бёк-
тёгёр! Эжиктен' кёс албай каруулдазын... Божо-
дор болзор — бойыгардын' бажыгарла карууна
турарыгар!.. Слер уктыгар ба! Тюргендай!

Куреев. (каткырып) Э, э чаалда, бартылду-
ушла база сен, слер улу бий, ак каан! Кыйгырып
турун', не керегинде болгонын — бойын'да бил-
бей дъадын': Дье улустар да сени коомой угуп
дъат. Сен бодоп турган боловын', сен дъалкын-
дый — коркушту деп? Бир де кичю сюреенин'
дьок: Сен дье斯基нчилю...

Песков. Кёрмёс тё билбес, не болуп турганын!
(Кюскенекке) Оос ачтыrbай токтодыгар!

Куреев. (Бойым токтоорым) Кюскенек-
тин' улустарына? Дье, бараалы. Шагом — арш!...

Куреев ле Кюскенектин' улустары баргылады.
Козуйт, Кюскенек, Песков база Бёргёш ачурка-
нышкан.

Улустарда юн дъок. Куреев, ары браадала,
омок сыгырып барды.

Песков. (Кюскенекке) Оны судка берер.
Мен керечи болорым...

Бёрёгёш. Онын' кылынган кылыгына Юлген
кудай бойы керечи болор.

Козуйт. (араа й). Болгон... улусты дыргадар
керек... (улуска). Слер ле орус кижи — Иван
Пантелейевич куучындажарга туро. Оны мында
тургандардын' кёп дъаны билетен.

Ол бистин' быянсагыбыс. Городтон' ол — кёп,
дъакшы солун табыштар экелген.

Песков. Карындаштар! Мен — орус кижи,
орустыйла ок слерге бюгюн айдып турум, дъак-
шылыкту айыл ээзи Козуйттын' күндюзине ал-
кыш болзын, слердин' ойыныгарга алкыш бол-
зын. Мен слердин' ийдегерди, эпчилигерди кёр-
дюм. Слер — бёкё бүткен албаты. Онйото ок
Колчак-Кааннын' учун туружыгар. Россияда
кызылдар актардын' черюзине эбиреде темир
курчуула курчаткан, олордын' күндери тоолула
арткан. Бистин' Колчакка, кызылдарды дъок
эдерге болужаалы! Слер ончогор сююген Ко-
зуйт, Кара-Корум управанын' дъуу керегине
булуш эдип — дыирме мун' салкоой берди. Мен
орус кодьойым — база анча ок кирези сыйлап
турум. Бюгюнги байрамдый дыргалду байрам
кёптёёрине, слер ырысту дъадарыгарга мен ару
дьюрегимнен' кюзеп турум... Бистин' күндюлю
Козуйтка — ура!

(Бёрёгёш, Кюскенек, база бир ке-
зек улустар) Ура! Ура!

Улустардын' ортодон' тюймееңдю
табыштар, кайда бир: «Ура!»

Козуйт. (улуска) Ойто одудын' дъанына ба-
рыгар! Аракыдан' ичигер! ойын, дыргалды кён-
дюктиригер.

Улустар тюрген дьюре бергиледи.

Козуйт, Кюскенек, Песков, Бёрёгёш айыл дъа-
ры клеедилер.

Кюскенек. Слер, Иван Пантелейевич, сюрекей
дъакшы куучын айттыгар. Бистин' албатынын'
сагыжында, орустар Карапорумга каршу деп
бодоп дъадылар. Эмди олор дъарт билди, слер
бистин' учун нени де кысканбай турганыгарды...
Дьирме мун' — бу ойын эмес.

Песков. Дъан'ысла эки дьюстю — антихристер-
дин' уып дъоголтотон болзо, дьюсти де берерим.

Козуйт. Бисте эмди артык дъол дъок.

Бёрёгёш. Акыр мында бир кичю аракычак
дьюрю, ичип ийеели (Песковко берди).

Песков. А Дъажнайдын' эрдин амтан албас
деп айдарга дъарабас... Чейнеш кандый, а?

Бёрёгёш. А мен дезе Базымнан'да кайра бас-
пас эдим. Экилези баргылады.

Козуйт, Кюскенек, Песков, Бёрёгёш айылдын'
ары дъанына кёрүнбей калдылар.

Чейнеш. Слер менин' дьюрегимди, ач чычкан-
дар болуп кемирбегер! Мени дъайымга божоды-
гар... Мен ару кейле тынадым. эмди каран'уй кир-
ген ийне...

Базым. (Дъажнайга) Сен уктын' ба, онын' айтканы?

Чёёчёй. Калганчызын сеге айдып турум: базын'дагы дьююлгек сагышты ары алдып ташта! Мынан' сен эмди кайдаарда барып болбоссын' (Чыкты).

Базым (Дъажнайга) сен оны база узаакка кё-рюп, кёкюдер санаан' бар ба? Сен — ээзи. Отурар дьериине отургус оны. Дъажнай Чейнешке дъууктап келеле колынан' тударга сананды.

Чейнеш. (ары болды) Кеде! Менен' кеде тур!

Базым (Дъажнайга). Дъалтан ба! Камчыны ал!

Дъажнай. (камчыны алды). Кару Чейнеш...

Базым. (тюкюрди). Тфу! Сен оныла канайта, эрмектежип турун'?. Не бюдюштю болгон ол? Самтар кептию, толбос карындула неме эди, оны кем тондоп, ёдюктеген? Дылу тёжёкти кем ого берген?

Чейнеш. Сен нени айдазын' юзют! (Чегедегин чечип таштады.) Слердин' дъазалыгар меге керек дьок! (Арткан кийимдерин чечет.) Ончозын менен' чечип алыгар, дъан'ысла ак дъарыкка божодыгар...

Дъажнай. (Чегедекти алды). Сен бу чегедекти ёлёрдён'-ёлгёнчё дъардын'нан' айрыыр учурын' дьок!

Чейнеш. Дайымга мени божодыгар!..

Базым. (Дъажнайга). Дъарашты тапкан'!.. Качан бирде, мен сеге удура ондый сёстёр ай-

датан бедим..? Мен ондый дъоктудын' кызы бол-
богондо болзом, сени тарындыра бир сёс айтпа-
гам... (Чейнешке). Сен менин' айтканымды
угар учурлуун'. Айыл ичинин' дъааны мен. Че-
гедекти кий! Бойын'нын' дъерин'е отур.

Чейнеш. (эжик дъаары басты). Мен бра-
адым. Базым алдын коорый алды. Чейнеш оны
ийделе, айлдан' чыга дьюгюрди.

Базым. (Да жна и га) Неге сон'зоорып ту-
рун'? Дьюгюр, бойын'нын' сююген катын'ды дье-
дип тут! (Ачуун бадырбай каткырды).

(Кёжёгё)

ТЁРТИНЧИ ҚАРТИНА

Содоннын' айылы. Баланка былгайры кедым кёктёп
отуры.

Баланка. Бу дъарыкта бежен дылга дъуук
дьюрдим, бу колым канча тон, кедым кёктёбёди
болбогой — ончозыла улуска, бойында дезе кий-
ер де неме дъоқ... (сананып отурала, ко-
жон'доды).

Койдын' кату терезин,
Дымыжак эткен кюч колым.
Курсактан' аштап ёлбёскё,
Иш бюдюрген кюч колым,
Елдён' калын' булгайры,
Кедым эткен ус колым.
Езёгим куру дьюрбеске,
Курсак тапкан ус колым.

Ботпой кирди.

Ботпой. Мен бодогом, дъаш кижи кожон'догон деп...

Баланка. (ман'заарып). Кандый дъаш?.. Эмди мында дъаш кижи дьогын бойын' билетен'...

Ботпой. (Баланканын' ман'заарыгасын кёрёлё, соодоткон аяс). Сенин' юнин' коп-коо, тортло дъаш кыстын' юниндий...

Баланка. (ойто эмеш токунап). Сен не ден' болуп карын айылдан дьюрин'?

Ботпой. Борсукта да дыл бажында бир кюн байрам бар деп айдыжатан эмес пе...

Онойто ок мен...

Баланка. Сен дъаантайынла кокурлап ла дьюр, Ботпой....

Ботпой. Тоным дырытыкта болзо, дье сагыжым бюдюн эмей... Мен слерге тегиндю келген эmezим...

Баланка. (ойто ман'заарып). Не керек болды? Айтсан', кёёркий, тюргендей!...

Ботпой. Бюгюн Караны кёрдигер бе?

Баланка. Дьок. Сен оны не керек сурадын'?

Ботпой. Козуйттар оны бюгюн сюрюп ийген...

Баланка. (керексибей). Байла дьолду — сюрюп ийген... Ол, иштеерге дъалкуурган болбой кайтсын...

Ботпой. Онын' колы алтынын, слер бойыгар билерзигер, онон' артык дъалы дьок дъалчыны табары дьок...

Баланка. Бир де неме он'добой отурум...

Ботпой. (айланда артыктайла). Мында артык кижи дьок... Мен слерден' чикезинчеле

сурал угарга турум: Кара ла Чейнеш бойы-бойлорын сююшкенин, слер билеригер бе...

Баланка. Ондый дьююлгек сёстёрди меге айтпа...

Ботпой. Мен слердин' кызыгарга дъакшы санаарга турум...

Баланка. Кара керегинде сен меге не керек айдып отурун? Онын' ёбёгёнигин' ады — Дъажнай. Мыны кёдире улустар билер.

Ботпой. Ондый, юч ай кайра той болгон... Слер Чейнешти калганчыда качан кёрдигер?

Баланка. Кече... (м'ан'з а арып). Ол оору эмеш пе? Айтсан'!

Ботпой. Слер ого килебей дъадыгар...

Баланка. Эрге берген кыс — терен' сууга таштаган ташла тюн'ей... (Дъалакай кирди).

Дъалакай. (Ботпойго). Сеге мени Чёёчей ийген...

Баланка. (Дъалакайга) Слердин' ондо не боло берди?

Ботпой. (тюрген). Неме эмес... (Дъалакайга). Баралы... Ботпой ло Дъалакай чыктылар...

Баланка. Чейнежим! Менин' эрке кызыым! Неле мен сеге болужарым?.. Бу колдорым кёктёөргө билер, тере ийлеер, капитар тажыр, таштар... дье олор сени корулап болбос. Дъокту менин' Чейнежим! Дъалынып дьюр... (Содон мылтыкту кирди).

Баланка. (ойто отурды, кедымди алыш, кёктёди. узакка унчукпай отурала). Канча кирелю таап дъандын'?

Содон. (Чырайы дъемирик). Кускундардын' чокужына дъем болбос..

Баланка. (кёктёнип ле отуры). Эки кюн, улай кодьойым Песков келип дьюрген...

Содон. Не керек болгон ого?

Баланка. Айтпаган... Кара-Корумнын' бийи, калан тёлёттён ёйи дьеткен деп дьюрген...

Содон. Тёлёттён неме дьок.

Баланка. Онон' бери тёрт конды, кудабыс келип дьюрген: Кыш келгелекте печке дъазаарга керек деп эрмектенген... Былтыр бёрю дыиген адын эрмектенген...

Содон. Бёрюнин' сегин, алымдап дьюрген туру. Дъакшы куда!

Баланка. Кара-Корум ончозына ырыс берер деп, айдышкан айла...

Содон. Ё лёр керек — бистин' ырызыбыс ол!

Кара. Кира кирди.

Кара. М-а! Ан'чы дъанганды! Тийин'дер кёп пё? Кажы дышта?

Содон. Тийин'дер кёплө, дье сен ошкошло — баарын' дьок.

Кара. Барбас кайткам? Мен дайым кижи. Бюгүн Козуйттар мени дьуртынан' чыгара сюрюп ийген. Козуйт бойы айтты: Бистин' дьорт турган дьерде сенин' дыидын' да дьок болзын...

Баланка. (Кайкап) не керек?

Кара. Не керектю — мен бойым да билбей турум. Дье, олор чын эткен. деп, бодоп турум: онызы — менин' ырызым болды...

Баланка. Карын, чыбыктабай божотконы дъакшы эмтири...

Кара. Ондый болзо мени чыбыктайтаны дъен' ил эмес эмей... Мен дъалынчаактардан' эмес.

Баланка. Куреев база дъалынчаактардан' эмес болгон, а солдатка апаргыладылар....

Кара. Андрюша:

Эр дезе эр болгон. Дъалакай, нёкёrim... Бир тушта туштажарыбыс та дъок? Мен онын' керегинде бир кожон' чюмдегем.... Угугар, Содон таай. (Кожон'доды).

Кара боро ол адым,
Мен кёргёнчё семис дьюр.
Кару надым Андрей,
Дьюрегиме кюйюп дьюр.
Эмили тату кузукты, —
Бир тужунда чертеели,
Эзен амыр туштажып,
Алтын сёслё куучындажалы!

Содон. Кандый куучын?

Кара. Алтынду, Содон таай... Андрейдин' куучыны качанда алтын сёстю болотон... Онын' меге айтканы болзо, колчак-каанны, кара-корум, дъажына болбос... Удабас дъан' ёскё болор — албатынын'. Ол дъан'нын' учун большевиктер дъен'ижип турға деген...

Содон. (коркуп) Ара-ай! Ондый немени айдарга дъараар ба...

Кара. Андрейдин' айтканыла болзо, бу керекти кёдюре дьерге айдарга учурлу, кайдала дъокту улустар дъаткан дьерлерге...

Содон. (юйине) Сенде ачу суу бар эмеш пе?..
Бис Карала экю ичеели...

Баланка. Ачу суу биске кайдан' келетен эди?..
Песков кирди.

Песков. Эзендер! (Содонго) Ан'чы дъангап?
Дье, кёёркюйом, нени таптын' айдып бер, — ку-
лагым сюгюнзин?

Содон. Сюгюндюрер неме дъок... Менин' ко-
дьойымым дъакшы дъаткан ба?

Песков. Коомой... Бёрёгёш слерге дьюрбеди бе?

Содон. Дъок.

Песков. Мен оны кече кёргём. Содон камда-
ган дъалымды бербей туру деп, комудап дьюр-
ген. Айтканы болзо: «Содон канайтала тюлкю
адып келзе, менин' болор!»

Кара (Сыгырып ийди). Ол кандый бол-
гон!

Песков. Дье, камдар ачап ла бүткен! (Ба-
луштобто кабак аракыны чыгарды).
Дъоктууларга бир кичю килебестер (булуш-
тобы Содонго бериپ). Мен сеге, Содон,
дъакшы ан'чыма сый экелдим. Акту дьюрегим-
нен' берип турум — ал...

Содон. Ой, быянду кижи! Слердин' суу кадык-
ты кудай чеберлезин.

Кара. (Туура кёрюп). Сюртюп береле —
сюрюп алар деген бирюзи. Бай-ла, камнан' кайкал
кодьойым табылган эмтири!

Песков. (Каага). Сен, чала ёйинен' ёткюре
эрмектене бердин' ошкош, менин' кёёркюйегим...
Тилин'ди тиштин' ары дъанына бектеп тут...

Чейнеш дьюгюргенче кирди. Дьюзи кан, кийими дырытык.

Чейнеш. Адам! Энем!... Аргалагар мени! (Караны кёрёлё, оноор чурап барды). Ка-ра! Кёёркюйим! Мени корула!

Содон. Не болды!

Баланка. Менин' қызым!

Кара. Токуназан'... Чейнеш... Не болды?...

Песков. (туура базала). Бу сюrekей дыил-биркеп кёрөр неме эмтири.

Чейнеш. Дъажнай... Ол мени ёлтюрерге дьат... Сени сюрюп ийгенин, билеле, мен дьюгюргем... Сени аркадан' бедирегем... Ол мени онон' тапкан... Соккон... камчыла...

Кара. Мениле кожо... бараалы...—Колында камчылу Дъажнай кирди.

Дъажнай. Э-э! Дъажынатан дьеңди, тапкан... Тургузала дъан ойто!...

Чейнеш. Дьюк! Мен дъан'ысла оныла баарым (Караны кёргюсти).

Дъажнай. Кара! Э-э, сен база мында! (Камчыла сокты).

Кара. Кеде тур, кодырлу бёрючек! Тамагын'ды кия тударым!

Дъажнай. Коркубай сен мениле эрмектежип турун' ба! (Песков) слер Иван Пантелеевич, керечи болорыгар. (Камчызыла Карагата лайды).

Кара. Мында сенин' айылын' эмес...

Дъажнай. Чейнеш. — менин' катым.

Чейнеш. Дьок! Дьок! Дъажнайдын' дьюзине тюкюрди). Менин' эжим Кара!

Дъажнай. (алгырды).. А-а! Ондый ба!

Дъажнай Каага чурап барды. Кара Дъажнайдын' колтыгына бычакла сайды.

Дъажнай дыыгылды.

Кара. Чейнеш! Качаалы!

Чейнеш. Дъакшы болзын, энем!

Кара ла Чейнеш баргылады.

Песков. (Эн'чайип, Дъажнайды сыймап кёрди).
Ол ёлтюрткен! (Крестенет).

Баланка. Ийтке — ийттин' ёлюми! Дьюр Содон!... Дьюр мынан'!..

(К ё ж ё г ё)

БЕЖИНЧИ КАРТИНА

Дъаан эки кып тура. Бир кезек красноармеецтер Карыган-нын' чёрчёгин тын'дагылап отурулар.

Карыган. Дьети башту дьеек дыланнан' албаты кёп-кёп дылдарга кыйналган. Кюн тоозынала ёлюмин сакып отуратандар. «Оны дъен'дайтен баатыр, кайдан' табылгай не?» деп албатыда кёп дылдарга комудал дьюрген... Онойткондо бир кюн чан'кыр Алтайдын' юстиле, канча кобы дыиктерле, айылдан' айылга мындый табыш угуды: дьети башту дьеек дыланга удура улу баатыр чыккан, эки бажын кезе чапкан деп. Оны уккан албаты, юстинче изю кюн чалыгандый — сюрекей сюгюндилер. Дье, дьети башту дьеек дылан, эки бажын кестирtele, онон' артык казыр-

ланган. Кижилер каныла дъалан'дарды чололды, сууларды кызарта будуды. Дьер юстинде албатынын' улу Коромдызы кёдюрюлди кюн алдына кара кёжёгё тартылды. Улу баатыр мынайта айтты: «Дьети башту дьеек дылланын', арткан баштарын ончозын юзе кеспегенче дъалмажыматёжёк салбассым, бажым алдына дъастык салбассым. Ол бойынын' нак дьюрген надыларын ончозын бойына кычырган, олоры дъууларда кара агаштый болгон, олор ончозы Улу баатырга баштадып, дьеек дыланга удурлажарга баргандар. Дыыда бажы дыштый болды, юлдю мизитоштый мызыллады, ээрлю аттар сооду ундууды эр улустар уйкузын таштады. Баатырлар дыланла дъууды баштадылар. Тен'ери булуды дьерге тюшти, дьер тоозыны ёрё кёдюрюлди, бийик туулар дъемирилди, терен' суулар чайбалышты.

Ол баатырлардын' дъен'ижюзин кызыл дьеерен атка минген Кожон'чи-Мерген деп атту кыс — баатыр уккан. Ол, от дъалбыштый адына минеле, ак болот юлдюзин айга тудуп дъан'ыйла, карындаш — баатырларына болужарга, дьети-башту дьеек дыланды дъен'деерге учуп ийди. Албаты ол тушта ого мынайта кожон'догон:

Саадак туткан сенин' колын',
Салжын соксо эн'илбезин.
Юлдю туткан он' колын',
Изю оттон' коркубазын.
Кызыл дьеерен чыйрак адын'
Ёштюге чике ман'тазын!

Кожон'чы-мерген, сен бойын'
Ёлбёс мён'кю болгойзын'!

Ай, күндий ётти, дыл айдый ётти. Дьети башту дьеек дыланды алтайдын' юстин тёрт айландыра баатырлар сюрюп келди, тёрт бажын кезе чаптылар... Ондо дъан'ыsla башарткан... (Карыган дъёдюлдеди, унчукпай бир кекке отурды). Дье, менин' чёрчёгим де божоп брааткан ошкош...

1-ки красноармеец. Дьарааш чёрчёк, ёрёкён! Ол улу Баатырдын' адын, биске айдып берзегер?

Карыган. Меге бир кижи айткан, онын' ады — Ленин — деп.

2-чи красноармеец. Чып — чын чёрчёк! Дьер юстинде баатырлардын' сран'ай ла улуузы — бистин' Ленин!.. Удабаста дьеек дыланнын' калганчы бажын ол юзе кезер!

1-ки красноармеец. Чын, онын' кёзи курч, колы чикечил...

3-чи красноармеец. Дье, чёрчёк учун, спасибо болзын, карыган ёрёкён.

Карыган. Слер спасиды меге кожон'ло айтса-гар.

2-чи красноармеец. Қем дьюк. Аң'чы, Шонкор — ёрёкёнгө бойыгардын' кожон'ды кожон'доп — беригер.

Эки алтай красноармеецтер кожон'ды баштадылар:

Мёш бажында кёк тобого,
Дьерге юзюлюп тюшпезен'!

дъатканына, бюдюп турганыбыс... Ол ёткён ай,
кандый коркушту биске дьарааш дъакшылу ёй
болгон! (Санана береле, араай кожон'-
доды).

Кара унчукпай барды, бурсыя берди. Унчук-
пайт. Чейнеш араай қирди, бозогонын' дъанына
тура берди.

Кара боронын' дъалы алтын,
Ондый дымышак торко дъок.
Менин' кёёркюйюмнин' кёзи алтын.
Тен'ериде ондый дылтыс дъок...

Чейнеш. (Тын' эмес). Кара!

Кара. (Бура согылды, тюрген Чей-
неш дъаар болды).

Чейнеш! Менин' кюним!

Экю кучакташты. Узаака пауза.

Чейнеш. Учы-учында... ойто... кожо... Мен бю-
гюн сенин' эзенин'ди угала, колымнын' ордына
канат ёскёндий боло берди... Мен сельревкомдо
камык керекти таштайла, айылымда дьюгюрюп
дьеткем, сени келген деп, энеме айткам, Козуй-
тардын' туразында тюшкен дегем, онын' кийинин-
де эмчек бала чылап багырып ыйлагам... Энем
база ыйлай берген... Бис нени эдерин он'dоп бол-
бой узаак ыйлаганыбыс — озогызын... элтертке-
нибис... ончо, ончозын сагышка 'алынганыбыс...
Бистин' кызыл партизандарга барганыбыстан' ала
неле дьиилек ле ёлён' тазылын дыгенибиске
дьетире, тюнде дылтыстарды дыиллбиркеп кёр-
гёнибисти де айткам... Ончозын.. Ончозын... Бис

канайда кызыл партизандарга келгенибисти айткам, актарла канайта дъуулшканыбыс ла Кызыл Черюлерле канайта тушташканыбысты, ол тушта сениле канайта айрылышканыбысты... айткам... Сен байла ончозын ундуган'...

Кара. Чейнеш, кижи бойын ундуйтан дъан' бар ба? Була дъан'ы бого отурала, мен ончозын сағышка алындым...

Чейнеш. Кёрюшпегеннен' бёйин эки дыл ашты!.. Кара, менин' Карам!.. Мен сельревкомноң атана尔да энемле кожо болгом: энем абрада, мен тан' атту... Дье, мен энемниң сон'догонын, билбей калдым... А менин' сагыжымда дезе, минген адым тортло торбок ошкош немедий билдирген... Энем удабасла база мында болор.

Кара. Ол, карып калган болбой кайтсын...

Чейнеш. Мен кёргёмдө, ол беш дыл кайра болгонынан' эмди дъаш... Дье кемдиле дьюрөм азыйда озо карыдтан, олор эмди ончозы—дъаш.

Кара. Чын, чын сен дъолду айттын'... нёкёр сельревкомның' председатели!

Чейнеш. (Каткырып)... Чын, чын, нёкёр командир, тегин кайжы дъолло болбогой билбей турум...

Кара. Азыйдагы пастухка дъан'ыс дъол — атту разведчиктердин' командазына...

Чейнеш. Козүйт ла Песковтын' качкындарына калганчы ёй келгенин мен эмди дъарт билип турум. Слер олордын' кайдагызын билеригер бе?

Кара. Дъартын — эмди тургуза билбессибис... Кече бери келееделе дъолдон' ару чек Бёргёшти

тудуп алганыбыс... Онын' айдыжы болзо Козуйт
а Песков керегинде нени де билбес...

Чейнеш. Тёгюндеп дъат! Оны бу дьеरде кёрбё-
гёни ай ашкан... Ол байла, Козуйттын' дъакылта-
зыла бери келген.

Кара. Мен база онойто санагам, дье онын' ай-
дыжы болзо, ол кудайдын' керегине ончо дью-
рюп дъат...

Чейнеш. Дье斯基нчилю шилеемир.

Кара. Онын' кереги эмди коомой деп, мен ого
дъарт айткам...

Экилези каткыштылар, онон' бойы бойлорын
кучакташтылар.

Чейнеш. Онын' ордына бистин' керек, качанда
болбогондый дъакшы.

Куреев ле Балан'ка киргиледи.

Баланка. Куреевке мен айтпай кайтым, ол мын-
да!. деп.

Куреев. (Кокурлап). Энезинин' дьюреги
онын' кызы кайдагызын артык билер...

Кара. (Баланкага дъууктап келеле,
кучактанды) Эне! Кару энем!

Куреев. (Чейнешке). Дье дъакшы ба, нё-
кёр председатель!.. (Колын Чейнешке бер-
ди).

Чейнеш. Дъакшы, дъакшы нёк. командир. Кёз-
нёк ары дъанында араай чурана ойноды. Онон'
ары кожон' табыжы угулат.

Баланка. Озогы кеп сёс чын болды: эки туу-
дын' бажы бирикпес, а ел албаты качан бирде
түштажар деген.

Куреев. Тушташ тушташтан', башка болотон,
энебис...

Баланка. Бу база чын!..

Кара. Бюгюн бистин' сран'айла — ырысту кюн!
Чейнеш ле мен айрылышпай дьюретен кюн, уза-
ак дьок артты. Слер, энебис, бисле кожо боло-
рыгар...

Куреев. Содон — ёрёкён кайда?

Баланка. Оны адаба, Андрей... Оны Козуйттар
апарган.

Куреев. Кижи ёлтюреечилер! Бис ёчин алары-
быс!

Чейнеш. (Куреевке). Кёзнёктин' ары дья-
нында кем ойноп кожон'dойт?

Куреев. Ол — бистин' кызылчерьолер. Кызыл
дьюучылдарла таныжарыгар ба?

Чейнеш. Эрмек те дьоктон', таныжарга турым.

Куреев. Ондый болзо дъарайт!

Баланка. (Чейнеш ле Карага). Слер менин'
куру балдарым! Эрке менин', Чейнежим, мен
тенектин', бир дъаманым ташта...

Чейнеш. Не керегинде, энем? Неден' слер бу-
рулу?

Баланка. Бурулу... Канайтала Дъажнай санаама
киргенде...

Чейнеш. Бу керекте слер бурулу эмес... Ол
туштаагы дъадын ондый болгон...

Кара. Качанда болгон — эмди ойто айланбас
булуп, дъажын чакка кёмюлген.

Кезек красноармеецтер кёрюнүп келдилер
олорло кожо Ботпой.

Куреев. Чын, эмди ол качан да ойто бурулбас болуп, дъажын чакка кёмюлген.

Шон'кор. (Карага). Нёкёр командир... Слердин дъакару бюткен. Мынан ары юч километр дъерден бис бир юй кижи туттубыс, ол дезе...

Кара. (Эжиктен чыкты.) Ботпой!..

Баланка. (Чейнеш, Куреев ко жо чыкты лар) Ботпой!.. Сен бе? Кёёркюйек!..

1-чи красноармеец. (Красноармеецтерге). Дье, нёкёрлёр... Тышкаары чыгалдар. (Красноармеецтер тюрген чыктылар). *

Кара. (Шон'корго). Эмди барзагарда кем дъок, нёкёрлёр... (Шон'корло Эремин баргылады).

Ботпой, уур тынып, Чейнешти кёрёт, Карапы адьыктайт, Куреевти кёрёт, Балан'каны адьыктайт.

Куреев. Токына, токына, кару Ботпой... Мында ончо бойбыстын'...

Баланка. (Аякка суу уруп берди). Суудан' ичип ал... Мында ончолоры тёрёгёнин'... Бу — мен... Мынызы — менин' Чейнежим... Бу — Кара, а онзы — Андрей...

Ботпой. (Суудан' эмеш ичи). Кандый ырыс!.. Уксагар... Слердин мындағыгарды, Ко зүйт ла Песков билерлер... Олор бери келгилеп дъат... Слерге озо дъедип айдарга, мен биогюнтан' алдында качып чыккам... Бир де дъерге тыштанбай дьюгюргем... Артык кючим дъок...

Куреев. Дъалакай ла сени бандиттер ко жо апар!

ганаң... Бис укканыбыс... Спасибо, Ботпой... Айт, олор сюрекей көп пё?

Ботпой. Эки дьюс кижи бар...

Кара. Ончозы мылтык дьепселдю бе?

Ботпой. Ончозы...

Куреев. Кажы дъолло келеедилер?

Ботпой. Билбессим...

Кара. (Нени де эске алынып) Бёрёгёш олор до бо?

Ботпой. Бёрёгёш кече эртен тура кайдаарда барган... Ол кече ёткён түонде Дьялакайды элек-теген... Онызы бууга салынып ийген.

Чейнеш. Шилемир!

Куреев. Токтодыныгар, нёкёр председатель!.. Онын' кылыгын революционный трибунал сюре-кей чике кёрёр. Эмди дезе Бёрёгёшти шылаар (Карага). Оны бери экелзиндер.

Кара. Уктым, нёкёр командир (комнатадан барды).

Куреев. (Баланка га). Мен Ботпойды слердин' колго табыштырага турум...

Баланка. Кемге оны... Ол эртеден' менин' тё-рёгён кызым ошкош... Качан Чейнеш кача берерде, меге кем соот болгон?.. Ботпой...

Кара ойто келди.

Куреев. (Карага). Баланка энебис ле Бот-пойды азыйдагы Дажднайдын' айылына дьетирип, дъазап тойо азыразың деп, кемге, кемге дъакылта бер...

Кара, Баланка. Ботпой баргылады.

Куреев. (Чейнешке). Мен Бёрёгёшти шылап

Кара. Бандиттардын' башчызы бу! Экинчи — Песковы ёлтюртти. Оны Андрей бойынын' колы-
лыкты...

Бёргёш. Ой, ончоны даяган Юлген!.. (талды).

Козуйт. (Карага). Мен слерге айдып турум,
эрледен' кирерге санагам деп, дье мени Песков
жашкен...

Кара. Билерибис, билерибис, улу бай Козуйт...
Тышкары адыш токтой берди.

Кара. (Красноармеецке). Бу камды ойто
азыйдагы дьерине апарыгар.

Чайнеш. (Карага, араай). Ол качарга са-
нанатан болбозын...

Кара. (Чайнешке). Бир кезекке шин'деп
кёр...

Красноармеец ле Бёргёш баргылады, олордын'
кийининен' Чайнеш. Ол ок тарыйында юн угул-
ды: «Тур! Тур». — Онын' кийининде мылтык
атты. Кара эжиктен' бажын чыгарып кёрюп
турды. Козуйт, столдын' юстюндеги кувшинды
алала, каранын' бажына сокты. Кара дыгылды.
Дье ол ок тарыйында Чайнеш эжиктен' кёрюне-
ле, Козуйтты адип ийди. Чайнештин' кийининен'
эки красноармеецтер киргиледи. Чайнеш Ка-
ранын' юстине барды.

Чайнеш. (Караны окчоп). Кара! Айланайын
менин', Карам!

Куреев. (Кирип келееделе). Кара — кю-
лук! Козуйттын' бойын туткан! (Карала Чей-
нештин' тактадагызын, кёрёлё). Бу не
болгон?

Чейнеш. Менин! Карам!.. Ёлгён!..

Куреев. (Эн'чейе тизеленип кёрди)
Кара, Кара! Он'долzon', нёкёр!..

Кара. (Кёзин кёрюп). Аң... Андрей... карындаш... Чейнеш!

Чейнеш. Тирю! Менин' Карам тирю!

Куреев. (Ёрё турды). Нёкёрлёр бу дъаткан ёкти ары алып чыгыгар (Козуйттын' сёёгине көрүзюп).

Козуйттын' сёёгин красноармеецтер алыш чыктылар.

Кара. (Ёрё кёдюрюлюп). Уят билбес бандиттер, ойноттырган! Кара — тирю!

Чейнеш. Кёёркюйим... Менин' каруум! (Ёрё туррага болушты).

Куреев. Чын. Бистер — тирю. Бис кючтю. Дын'дирбес бёкё. Совет дъан'нын' ончо ёштуолерин тазылынан' ала дъок эдерибис!

(Кежёгё)

учы

